

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

12. Serui aquarum metu, in mendacio deprehensi, fabula.

urn:nbn:de:hbz:466:1-45686

120 Cap. IX. Aquis in pœnam uti Deum, ipsorum hominum exemplo, semotiū à nobis secedere, & per intolerantiam atque immobilem animi rigorem, vita restituamur tranquilliori. Quod enim peccati genus usquam inneniatur atrocius desperatione? Iudas ille Domini proditor, quād pusilli erat & abiecti animi? quād rūdis & expers conflictu tentationum? Ob hoc enim spem omnem à se cùm abjecisset, insidente in eum inimico, funiculo sibi prefocauit gulam. At Petrus, solida illa petra, non in peccatum impegit? nec mediocre? Verū is, tanquam, qui tales conflictus doctrina experientia didicisset, ob maleloquam negationem, spem neutiquam abjecit: sed lachrymas adhibuit pacarias, apud Dominum, & conciliatrices. Huius igitur imitatione, ad aquas lachrymarum confugiamus, non insiliamus in Barathrum desperationis.

XI.

Athenæus
lib. 10.

Prou. 19. 29.
Sueton. in
Aug.

Prou. 29. 26.

XII.

Quanquam mihi nunc non est animus, vel Caios, vel Cai-nos agitare, aut de erigendis illis in spem, disputare. Illud ostendo, hominum peruersa ingenia, aquas in utilitatem maximam à mundi Conditore datas, in suam ipsorum perniciem conuertere, & se ipsis aquis plectere; cur ergo indignantur, si id erga illos faciat Dei, qui illos plectendi jus habet, ac potestatem? Illi id, cum scelere faciunt, Dei cum laude. Cleomenes Methymnæorum tyrañus lenas, in fassis ligatas, submergi curabat, & laudabatur. Tot lenas, & lenones, & lenocinantes alit terra, & non plectat aqua, judice DEO à quo parata sunt derisoribus judicia. Augustus Cæsar pædagogum ministrósque Caij filij, per occasionem valitudinis, mortisque eius, superbè auaréque, in prouincia, grassantes, oneratos graui pondere, ceruicibus, præcipitauit in flumen. Quod factum inter gloriæ illius decora numerabatur. Et hæsitabimus, trutinâque nostra dignum censemus, si quem, permittente DEO, aquis haustum audiamus? Quis præscribet, vt ignibus potius, aut ferro vtatur, si quem, per aquas vult ad se euocare? aut in fluvio, non in rogo punire? Siquidem *judicium à Domino egreditur singulorum*. Quod si agnoscerent aquis læsi, non essent musca illa insipientiores, impatientioresque, quæ in carnium ollam decidit, & moriens dixit: *Ego tantum bibi, & comedi, & laui, ut hunc saturæ exitum ferre hand molestè debeam*. Cordati est, id quod necesse est, ferre, & boni consulere.

Alia fabella est lepida, &c, ad mores poliendo huic loco admodum

modum idonea, de domino ac seruo, vna iter facientibus. Ibi ser-
uus, vt sibi, apud herum, locum noménque faceret, multa admo-
dum jactanter mendaciterque narrauit, vidisse se, cùm varias ter-
ras peragraret. Occurrit equitantibus, transuersâ viâ, fugiens vul-
pes: qua conspecta, *Magna erat hæc vulpes*, ait Dominus. Cui mox
seruus: *Hoc nihil est*, dixit. *Ego vidi vulpem boni magnitudine pa-
rem*. Intellexit facile Dominus, non vulpem, sed mendacium ser-
ui posse cum bove æquiparari. Sed se pressit, & velut admiratione
obtivit. Silentium seruo, pro admirationis jndicio, & plausu, fuit.
Quia autē dies paullò prius cœperat, cōuerit se Dominus ad ma-
tutinas preces, & à Dœo iter prosperum precabatur, idq; ita voce
clara, vt seruus omnia syllabatim audiret. Inter ceteras formulas
adjecit, petere se, vt, eo die præcipue, se se à verbo mendacij cu-
stodiret; tunc enim satis à periculo fluminis iri se custoditum.
Aduertit ea vox, & precandi ratio seruum; qui non potuit, quin
audidissima curiositate interrogaret Dominum, quid sibi id genus
comprecandi voluisse? Visus est initio tergiuersari herus, & in-
uitus ad eam quæstiōnem respondere. Sed urgente magis magisq;
famulo, tandem, quasi ingens arcanum detecturus, cum alto su-
spirio, dixit: *Flumen est nobis transeundum hodie, in quo omnes mer-
guntur, quotquot, eo die, mendacium fecerunt*. Oppalluit ad hoc di-
ctum seruus, & mendacij recentissimè conscientiā ictus visus est
tremere. Pergunt ire, atque non diu post ad riuum ambo perue-
niunt, vado transeundum. Ibi iam in ripa equitantem herum sub-
sequens seruus rogat, vt subsistere paullisper velit. Ex subsistente
scitatur. *Hicne sit ille fluuius, mentientium interactor? nolle se tenta-
re vadum, cùm, in vulpe comparanda, putet, aliquantulum a se erra-
sum esse; neq; enim eam boni, sed juuenio duntaxat parem fuisse*. De-
vulpe parum euro, ait Dominus. Ceterū non hic est riinus, de
quo dixeram, alias occurret, nihil tibi, hoc loco, metue. Hæc fa-
tus calcaria admouit equo, & vadum, seruo tergum eius premen-
te, superauit. Paullò post ventum est ad aliū amnem, quo viso,
seruus cœpit denuò trepidare, & querere, *Hicne autem fluuius
mendacioquos morte plectere soleret?* Cùmque herus responderet,
neq; iltum quidem esse; addit seruus, se valentem caussam habere
tam sollicitæ interrogationis: nam haud satis amplius meminisse

Q

narrata

narratæ vulpis magnitudinem; existimare se nec juuenco quidem parem extitisse, sed vitulo lactente non fuisse maiorem. Salua res, intrant & exeunt, etiā ex hoc vado. Sed ad tertium rādem fluuiū accedunt. ad cuius cùm præripia venisset: *Hic tandem est ille veritatis defensor, & mendaciorum punitor fluvius*, ait Dominus. Ad quæ verba attonitus seruus, pœnè ex equo lapsus est. Verū vbi se virēsq; collegit, veniam à Domino precatus, negavit se transi-
turum, eò quōd mendacij, eo die, à se conflati conscius esset:
Nam vulpem à se alibi conspettam, reliquis communibus vulpibus fuisse magnitudine omnino parem. Hoc auditio, *Et hac quoq; aqua;* inquit Dominus, *est alijs communibus aquis par, nego, solet mendaces mergere.* Ita mendacem, aquarum minitatione, curauit, & ad veritatem promendam reduxit.

XIII.

Potuerunt tantum fistæ aquarum minæ? quid non poterunt veræ pœnae, à Deo, per aquas infictæ? Nam qui inficias audit, metuit infligendas. Metuere autem initium est emendationis. Cuius rei exemplum multiplex legimus, in quarta Ecclesia & Christianorum persecuzione, sub Antonino (non enim sub Marco Aurelio) contigisse. Antoninus enim non satis habuit, proposita capitis pœna, vetuisse, ne quis Sibyllarum versus legeret, alijsque propheticos Gentilium libros, qui multa de Christo prædictissime videbantur, adeò vt è Gentilibus non pauci Christiani fierent, vt Iustinus testatur; sed Christianos præterea, quām plures, Crescentis hæretici instigatione, morti addixit; & quidem anthropophagiæ prius, aliorūmq; horribilium Gnosticis familiarium criminum, per impudentissimam calumniam, accusatos. Quām grauiter eiusmodi atrocitate offenderetur vindicta malorum Devs, edocuit, non solum Tiberis inundatione, sed alijs quoque varijs ærumnis, quas immisit, fame; circi ruina; terræ motu complures Rhodiorum, & Asiarum vrbes subvertente; trecentis & quadraginta insulis, aut domibus, Romæ combustis; Narbonensi ciuitate concremata, atque alijs calamitatibus vrbi & orbi inuentis. Quibus ita omnes conterriti sunt, & ipse adeò Imperator commotus est, vt expresso Rescripto, ad eundem 15. Imperij annum, quo hæc euenerunt, dato, persecutioni finem imponere coactus sit. Ita aquarum, ignium, terræque incommodis, sapien-
tissimus

Iustin. Apo-
log. ad An-
tonin. Euseb.
An. 153. Ba-
ron. An. 150.

Julius Capi-
tolia. in An-
tonino.

Vide Euseb.
li. 4. hist. c. 12.